



RUDETSO RUNOBVA MUDENGA

**ZVAKANYORWA NDI
WATSON GOODMAN**

**NGEZVE NYASHA,
AZVITENGESWI**

RUDETSO RUNOBVA MUDENGA

“RUDETSO RUNOBVA MUDENGA” chiunga chemavhesi akatodzana anobva muzvipauko zvezvinyorwa zvinobva mundima dzakaparadzana dzeBhaibheri. Ndinogonda kuti Bhuku reKomentari rezvinyorwa rakapinda kunaka iBhaibheri pacharo.

Izwi raMwari rinouya "kubva mudenga" ngegwinoyiso rinodetsera kakurutu kumwoyo inenzara neinenyota yekuda kururama. Naapo munhu atenderuka, unosiya zvishaishi, unokoka Mambo Jesu Kristu kuti agare mumwoyo wake, naye unogonda ngomwoyo wake weshe kuna Mambo Jesu Kristu kuita Muponesi Mambo unodziona pachake kwaari nokuisa kudakara nokunyarara kwake kwemene mumwoyo womutendi. Inini ndakanasa kuziya izvi mugore ra1937 nekuona kudakara ngoukama hwaishamisa naMambo kubvira panguvayo.

Ndinokupanga kuti udzipire kwaari kuita Muponesi naMambo wako zvino kudai waiya usati waita kudaro.

—Ndini, Watson Goodman (1920-2002)

Akuna munhu unorudo rukuru kuno urwu....
—Johani 15:13

Zvino kusati kwaguma kudya kwePasika, Jesu echiziya kuti nguva yake yaguma kuti abve munyika muno, aende kuna Baba, avada vake avo vari munyika, wakavada metsa mukupera.
—Johani 13:1

Nokubva kuna Jesu Kristu uri chapupu chakagondeka, ari dangwe rokumuka kwevakafa, nomutongi wemadzimambo enyika. Kwaari wakatida, akatisunhura kuzvishaishi zvedu ngengazi yake.

—Chakapangidzirwa 1:5

Ngokuti Mwari wakaida nyika kudai, wakahina Mukororo wake wakabarwa ari ega, kuti veshe vano-

mutenda vasafa, asi vaone kupona kusikaperi.
—Johani 3:16

Asi Mwari wakapangidzira rudo rwake kwetiri, kuti apo tichiri vashaishi, Kristu wakatifira.
—VaRoma 5:8

Jehovha wakaoneka kwendiri ngomukuwo wekare, wakati, Eya, ndakakuda ngorudo rwemhera narini: ndizvo ndakakuonga ngorudo rune nyasha.
—Jeremia 31:3

Uwo usina rudo aamuzii Mwari, ngokuti Mwari uri rudo. Rudo rwaMwari rwakapangidzirwa kwetiri ngeichi; kuti Mwari wakatuma Mukororo wake munyika wakabarwa ari ega, kuti tiponeswe ndiye.

—1 Johani 4:8, 9

Kunotenderwa kuti chakafishika chouMwari chikuru; Iye wakapangidzirwa mumuiri, echipembedzwa muMweya, wakaoneka ngengiroso, wakachumaerwa pakati pevemadzina, wakatendwa munyika, akaashirwa mudenga muutende.

—1 Timoti 3:16

Zvino izvi zvakaitika kuti zvarisike izvo zvakaeroketwa ndi-Mambo kubudikidza ngomuprofeti, echiti, Penyai, mhandwe inozoita ukosha, ibereke mukororo, navo vanozodudza zina rake kuti Emanueri; ukwo ngokukumuchwa kunoti, Mwari unesu.

—Mateu 1:22, 23

Inini naBaba angu tiriumwe.

—Johani 10:30

Firipi wakati kwaari, Mambo, tipangidzire Baba, nesu tikwaniswe. Jesu wakati kwaari, Ndakagara newe mukuwo wakadai kureba, asi ausati wandizia here, Firipi? Iye wakandiona inini wakaona naBaba: unoronza ngenyi kuti, Tipangidzire Baba? Autendi here, kuti inini ndiri mukati mwaBaba, naBaba vari mukati mwangu? Mazwi endinoereketa kwomuri, andidziereneketeri: asi Baba vanogara mukati mwangu ndivo vanoita mishando yavo.

—Johani 14:8-10

Nokunyati ndiani unotenda kuti Jesu uri Mukororo waMwari, Mwari unogara mukati mwake, naye unogara mukati mwaMwari.

—1 Johani 4:15

Ngirosi yakapingura, ikati kwaari, Mweya Wakachena unozouya padera pako, nesimba roUwo Uripadera pazveshe rinozotibikira padera pako, ndizvo uwo unozoberekwa unozozwi Wakachena, Mukororo waMwari.

—Ruka 1:35

Ngokuti kwetiri mwana wakabawira, kwetirizve mukororo wapuwa; nokutonga kunozoa papfudzi rake: nezina rake rinozodudzwa rechizwi,

Unoshamisa, Gota, Mwari Une-simba, Baba emhera narini. Muzvare wokunyarara.

—Isaya 9:6

Apo achaereketa, penya gore rino nanikira rakavatibikira, penya izwi rakabva mugore, rechiti, Uyu uri Mukororo wangu, wendinoda, wendinonasa kudakara ndiye: mwechimuzwa iye.

—Mateu 17:5

Jesu wakazwa kuti vainga vamu-dzinga kubanzi, amuona, wakati, Unotenda here Mukororo waMwari? Naye wakapingura akati, Uri nani, Mambo, kuti nditende kwaari? Jesu wakati kwaari, Wamuona, ndiyezve unoereketa newe.

—Johani 9:35-37

Wakati kwavari, imwimwi muri vepashi, inini ndinobva mudenga: imwimwi muri venyika iyi, asi inini andiri wenyika iyi akadi. Jesu wakati, kwaari, Zvirokwazvo, zvirokwazvo, ndinoti kwomuri, Abhura-hama asati abarwa, ndaindoapo.

—Johani 8:23, 58

Dzimai rakati kwaari, Ndinozia kuti Mesia unouya, uwo unozwi Kristu: naapo auya unozotironzera zviro zveshe. Jesu wakati kweriri, Ndini aye unoereketa newe.

—Johani 4:25, 26

Apo ndichindori munyika, ndiri kujeka kwenyika. —Johani 9:5

Ndizvo Jesu wakaereketazve kwavari, Zvirokwazvo, zvirokwazvo, ndinoti kwomuri, inini ndiri chimana chemakwai. —Johani 10:7

Jesu wakati kwaari, Inini ndiri kumuka nokupona: iye unonditenda kunyazwi afa, unozoponazve.

—Johani 11:25

Munondidaidza kuti, Mudzidzisi, nokuti Mambo, nemwi munonasa kuronza; ngokuti ndiriye.

—Johani 13:13

Jesu wakati kwaari, Inini ndiri njira, negwinyiso, nokupona: akuna unouya kuna Baba, asikauyi ndini.

—Johani 14:6

Naye wakapanga mbungano kuti igare pashi pamwenje, atora zvingwazvo zvishano, nehove mbiri, wakaringira mudenga, akazvibonga, akazvigura, akazvihina kune vadzidzi, nevadzidzi vakahina kune mbungano. Navo veshe vakadya, vakaguta, navo vakatonhera matsekene-swa ezvaiwarakatika zvitundu zvirigumi nazviiri zvakazara. Navo vakadya vaia vanonga makumi emazana ari mashano evamuna....

—Mateu 14:19-21

Simoni wakapingura, akati, Mambo, tashanda usiku hweshe, tisi-kazi kubata chiro: asi ngezwi rako

ndinozodzasa nhaa. Naapo vaita kudaro, vakatendenedza hove zhinji; nenhaa dzavo dzaibauka.

—Ruka 5:5, 6

Penya mapofu mairi akagara panjira, apo vakazwa kuti Jesu waizo-pindapo, akadaidzira, echiti, Mambo, Mukororo waDhavhidha, tiitire nyasha. NaJesu... akati, Munoda kuti ndimuitirenyi? Akati kwaari, Mambo, kuti madziso edu apembenudzwe. Ndizvo Jesu wakaazwira urombo, akagwama madziso ao: paripo madziso ao akapembenudzwa, nao akamuteera.

—Mateu 20:30, 32b-34

Ngokuti zviro zveshe zvakasikwa ndiye, izvo zviri mudenga, nezviri munyika, zvinooneka, nezvisikaoneki, kunyazwi madendemaro, nokuti umambo, nokuti makota, nokuti vatongi: zveshe zvakasikwa ndiye, nazvo zvakasikirwa iye.

—VaKorose 1:16

Zviro zveshe zvakasikwa ndiye; nangepabanzi pake ingapasina chiro chakasikwa kweizvo zvakasikwa.

—Johani 1:3

Kuti ngezina reJesu mabvi eshe amugwadamire, evari mudenga, nevari munyika, nevari pashi penyika; Zve, kuti ndimi dzeshe dzitende ku-

ti Jesu Kristu ndiye Mambo, kuita kukudzwa kuna Mwari Baba.

—VaFiripi 2:10, 11

Mwari... Wakaereketa kwetiri mukupera kwemazuva ano ngoMukororo wake, waakaemesa kugara nhaka yezviro zveshe, ndiyezve wakaitenyika.

—VaHebheru 1:1a, 2

Ndizvo ngavazie vemhatso yeshe yaIsiraeri kuti Mwari wakamuita Mambo naKristuzve uwo Jesu wemwakakohomera.

—Zvakaitwa 2:36

Ngokuti ngeiyi ndaa Kristu wakafa, akaponazve, kuti aite Mambo wavo veshe, vakafa nevanozwa.

—VaRoma 14:9

Asi iwewe unotonga ngenyi munun'una wako? Newe unoshoorazve ngenyi munun'una wako? Ngokuti isisu teshe tinozoema pamberi pechigarro chokutonga chaMwari.

—VaRoma 14:10

Ndinokupanga mukuona kwaMwari, nokwaKristu Jesu, uwo unozotonga vachazwa nevakafa, mukuoneka kwake noumambo hwake.

—2 Timoti 4:1

Asi apo Mukororo womunhu ozo- uya muutenda hwake, nengirosi dzeshe naye, naapo unozogara padera pedendemaro routende hwake. Nepamberi pake anozounganidzwa madzi-

nza eshe, naye unozoaparadzanisa rimwe kuno rimweni kudai ngomuu- shi unozoaparadzanisa makwai kune mbudzi.

—Mateu 25:31, 32

Ngokuti Baba avatongi munhu namwe, asi vahahina kutonga kweshe kuno Mukororo.

—Johani 5:22

Ngeiro zuva raanozotonga ndiro Mwari zvakafishika zvevanhu, ndiye Jesu Kristu, kudai ngokuronza kwe- vhangeri rangu.

—VaRoma 2:16

Iye wakatipanga kuchumaera kuvanhu, nokupupura kuti uyu ndiye wakaemeswa ndiMwari kuita Mutongi wevanozwa nowevakafa.

—Zvakaitwa 10:42

8 KURIPIRWA KUBUDIKIDZA NDIKRISTU EGA

Inini ndiri chimana: kunyazwi ndiani unopinda ndini, unozoponeswa unozopotera, unozobuda, aone kudy.

—Johani 10:9

Jesu wakati kwaari, Inini ndiri njira, negwinyiso, nokupona; akuna unouya kuna Baba, asikauyi ndini.

—Johani 14:6

Ndizvo ndakati kwomuri kuti munozofira muzvishaishi zvenyu: ngokuti kudai musikatendi kuti ndiri aye munozofira muzvishaishi zvenyu.

—Johani 8:24

Naapo ainga paerera, wakaita mumbi wokuponeswa kusikaperi kwavari veshe vanomupurutana.

—VaHebheru 5:9

Ngokuti veshe vakashaisha, avazi kuhanira kuutende hwaMwari, vechipembedzwa pasina muripo ngenyasha dzake ngokuripirwa kuti kuna Jesu Kristu.

—VaRoma 3:23, 24

Akunazve kuponeswa ngoumweni: ngokuti akuna zina rimweni pashi pomudenga rakahinwa kuna vanhu rokuti tingaponeswa ndiro.

—Zvakaitwa 4:12

Ngokuti Mwari aazi kutiemesera ushungu, asi kuti tinone kuponeswa ndiye Mambo wedu Jesu Kristu.

—1 VaTesoronika 5:9

...Mwari wakahina kwetiri kupona kusikaperi, noukwo kupona kuri kuMukororo (Jesu Kristu) wake.

—1 Johani 5:11

Asi imwimwi muri kuna Kristu Jesu ndiye, uwo wakaitwa kwetiri ungaru hunobva kuna Mwari, nokururama, nokucheneswa, nokuripirwa.

—1 VaKorinte 1:30

Uwo wakadzihina ngepamusoro pedu kuti atiripire kubva mukushata kweshe, nokuti adzichenesere vanhu vaite vake vemene, vanotsamwirira kuita mishando yakanaka.

—Titusi 2:14

Mwechibonga kuna Baba uwo wakatiita vanosisira kukovanisirwa naha yevakacheneswa mukujeka; uwo wakatinunurira kubva kusimba rechidima, wakatiisa muumambo hwo-Mukororo wake unodikana. Kwaari

tinakwo kuripirwa ngengazi yake, nokurekererwa zvishaishi zvedu.

—VaKorose 1:12-14

Ngokuti Mukororo womunhu wakauya kutsvaka nokuponesa izvo zvakarashika.

—Ruka 19:10

... Unosisa iwewe kutora tsamba nokubeura zvinamiro zvayo; ngokuti iwewe wakaurawa, ukatitengera kuna Mwari ngengazi yako, kubva kumadzinza eshe, nendimi dzeshe, nevanhu veshe, nokumarusinga eshe.

—Chakapangidzirwa 5:9

Muhambe ngorudo, kudaizve ndi-Kristu wakamuda, akadzhina ngepamusoro pedu, kuita mudiro nomubairo kuna Mwari.... —VaEfesu 5:2

Kakurutu zvino, techipembedzwa ngengazi yake tinozoponeswa ndiye kubva kuushungu. —VaRoma 5:9

Kwaari tinakwo kuripirwa kwedu ngengazi yake, kurekererwa kwezvipauka zvedu, kudai ngouwandu hwenyasha dzake. —VaEfesu 1:7

Ngokuti iyi iri ngazi yangu yechitenderano, inoparadzirwa ngepamusoro pevazhinji kuita kurekererwa kwezvishaishi. —Mateu 26:28

Mwechizia kuti amuzi kuripirwa ngezviro zvinoora, kudai ngesirivha nomukore, kubva kunjira isina shwiro yokupona kwenyu yomwakasirwa ngemadzibaba enyu; asi mwaripirwa ngengazi yaKristu ino

mutengo mukuru, kudai ngeyehwai isina gotsa, nokuti ara.

—1 Petro 1:18, 19

Asi kudai techihamba mukujeka kudai ndiye uri mukujeka, tinoiyana umwe noumweni, ngengazi yaJesu Mukororo wake inotisuka kushaisha kweshe.

—1 Johani 1:7

Ngokuti, kudai taia magaa, takaiyaniswa kuna Mwari ngokufa kwoMukororo wake, kakurutu tiri vakaiyaniswa tinozoponeswa ngokururama kwake; andizvopi zvega, asi tinodakarazve kuna Mwari ndiye Mambo wedu Jesu Kristu, ndiye takaashira kuiyaniswa.

—VaRoma 5:10, 11

Ngokuti mwakaponeswa ngenyasha ngokugonda; noukwo andikwo-pi kwenyu, asi kuri chipo chaMwari. Akuapo ngemishando akadi, kuti kusaano munhu ungaganza.

—VaEfesu 2:8, 9

Ngokuti kuna Kristu Jesu zveshe kuchekwa nokusikachekwi azvidetseri chiro; asi kugonda ukwo kunoshanda ngorudo. —VaGaratia 5:6

Naapo vakati kwaari, Tingaitenyi kuti tishande mishando yaMwari? Jesu wakapingura, akati kwavari, Uyu ndiwo mushando waMwari kuti mutende uwo waakatuma.

—Johani 6:28, 29

...Tenda Mambo Jesu, newe woponeswa.... —Zvakaitwa 16:31

Ngokuti munhu weshe wakabarwa ndiMwari unonyisa nyika: nouku ndikwo kunyisa kwakanyise nyika, kuri kugonda kwedu.

—1 Johani 5:4

Asi iyi yakanyorerwa kuti imwi-mwi mutende kuti Jesu uri Kristu, Mukororo waMwari, nokuti ngokutenda muano kupona ngezina rake.

—Johani 20:31

Ndizvo techipembedzwa ngokugonda tino kunyarara kuna Mwari ndiye Mambo wedu Jesu Kristu.

—VaRoma 5:1

Ngaabongwe Mwari Baba aMambo wedu Jesu Kristu, Baba wenyasha, uri Mwari wokuembedzera kweshe.

—2 VaKorinte 1:3

Ndiani Mwari wakadai ndiwe, unodusa kushata, echirekerere ndaa yevakasara venhaka yake? Aagari noushungu hwake mhera narini, ngokuti unodakara kuitira nyasha.

—Mika 7:18

Ngokuti kudai ngokuturama kwedenga padera penyika, ngokudaro nyasha dzake dzakakura kuna avo vanomutya. Asi nyasha dzaJehovha dzinondogara dzakadaro kubvira mhera nekare metsa mhera narini kuna avo vanomutya, nokururama

kwake kundori kune vana vevana.
—Ndwiyo 103:11, 17

Ngokuti nyasha dzako ihuru kupinda madenga, nengwinyiso rako rinohanira mugore. —Ndwiyo 108:4

Dziri nyasha dzaMwari dzinoita kuti tisapedzwa, ngokuti kuzwiwo urombo kwake akuperi. Zvindori itsva mangwanani eshe: kugonda kwake kukuru.

—Chiriro ChaJeremia 3:22, 23

Haiwa ngemishando yakarurama yetakaita isisu, asi kudai ngouwandu hwenyasha dzake wakatiponesa, ngokushambidzwa kwokubarwa kutsva, nokuandudzwa ndiMweya Wakachena. —Titusi 3:5

Uyai zvino, ngatipangane, Jehovha unoronza: nokunyati zvishaishi zvenyu zvakanyatsvuka, zvinozochena kudai ngechando, nokunyati zvakanya kutsvuka kudai ngeharahara, zvinozodai ngemamviri ehwai.

—Isaya 1:18

NoMweya nomuroorwa vanoti, Uyai. Nouwo unozwa ngaati, Uyai. Naye unozwe nyota, ngaauye: uwo unoda ngaatore mvura yokupona ngenyasha. —Chakapangidzirwa 22:17

Izwai! Mweshe mune nyota, uyai kuzvinyuka, naye usina mare; uyai, tengai, mwechidya; eya, uyai, mutenge vhini nomukaka musina mare nokuti mutengo. —Isaya 55:1

Ngezuva rokupedzisira, mushi mukuru womushongano wokudya, Jesu wakamiruka, akadaidzira, echiti, Kunyazwi ndiani une nyota ngaauye kwendi, amwe. —Johani 7:37

Asi Jesu echiona wakashuhwa, wakati kwavari, Tenderai vana vadoko vaue kwendi: musavarambidza: ngokuti umambo hwaMwari ngohwawakadai ngaava.

—Marako 10:14

Ndizvo tiri masamukuru ngepamusoro paKristu, kunonga Mwari wainyengerera vanhu tisu: tinomupota ngepamusoro paKristu, itai vanoianiswa kuna Mwari.

—2 VaKorinte 5:20

14 VANHU ANDIVOPI VESHE VANA VAMWARI

Ngeichi vana vaMwari, nevaSata-ni vanooneka: munhu weshe usikaiti zvakarurama aari waMwari akadi, nouwozve usikadi mukoma wake.

—1 Johani 3:10

Ngokuti veshe vanotungamirwa ndiMweya waMwari vari vakororo vaMwari. Ngokuti amuzi kuashirazve Mweya wouranda kuti mutye, asi mwakaashira Mweya wokurerwa, ndiwo tinodaizira kuti, Aba, baba.

—VaRoma 8:14, 15

Kuti muite vasina ndaa, vasikashaishi, muri vana vaMwari musina chipodyo pakati pomubarirwana wakashongoroka nowakapaukiswa, pakati pavo muoneke muri vanojecha

kudai ngezvivheneko munyika.

—VaFiripi 2:15

Ndizvo, budai pakati pavo, muite vakaparadzana, unoronza Mambo, musagwama chiro chinospipisa; neni ndinozomuashira. Neni ndinozoita Baba enyu, nemwi munozoita vakororo vangu nevakunda vangu, unoronza Jehovha Unesimbaresha.

—2 VaKorinte 6:17, 18

Asi kwavari veshe vakamuashira, wakavapa simba rokuti vaite vana vaMwari, kwavari avo vanotenda zina rake.

—Johani 1:12

Iye uno Mukororo uno kupona: nouwo usina Mukororo waMwari, aana kupona.

—1 Johani 5:12

Zvino mishando yenyama inooneka pamhene, ndiyo iyi: kuomba, kusikasukiki, kuemura. Kudira miedzaniso, kuringidza, kunyenya, hashash, ndurumwa, ushungu, kudzida, kuparadzana, kudzidzisa zvakasiyana, Kururumwa, kuradza, kushadaya, nezvakadaro: ndinomupanga kudai ngezvendakamupanga ngepamberi, kuti avo vanoita zvakadaro avazogari nhaka youmambo hwaMwari. —VaGaratia 5:19-21

Ngatihambe ngenjira inosisira, anonga masikati; tisikahambi ngouhaya nokuradza, tisikahambi ngokushanja, nokuti ngokuemura, tisikahambi ngehasha nendurumwa. Asi mupfeke Mambo Jesu Kristu, musi-

kapinimidzi ngezvenyama kuita kuemura kwayo. —VaRoma 13:13, 14

Ihehe kwavari avo vanofumira kumiruka mangwanani, kuti vateere zvokumwa zvinoradzisa; avo vanononoka pakati pousiku, metsa vhini rinovaradzisa. —Isaya 5:11

Usaringira vhini apo ratsvuka, apo rinopangidzira muara mutsani, apo rinonga vechiira. Pakugumisira rinorumakuu dai ngenyoka, nokuruma kudai ngebuura.

—Mazwi Akangwara 23:31, 32

Vhini riri mutsvinyi, nokumwa kunoradzisa kunopara bopoto: nouwo unochengedzwa ndizvo aazi kungwara. —Mazwi Akangwara 20:1

Naye wakati kwaari, Unozomuda Mambo Mwari wako ngomwoyo wako weshe, nangomweya wako weshe, nangemirangariro yako yeshe.

—Mateu 22:37

Naapo achatanga rwendo rwake, kwakarumba umwe echiuya kwaari, akamugwadamira, akamubvunza, kuti, Mudzidzisi wakanaka, chinyini chendingaita kuti ndigare nhaka yokupona kusikapari? Jesu wakati kwaari, Unondidaidza ngenyi kuti, Wakanaka? Akuna wakanaka, asi umwe ega, ndiMwari. Unozia mipango, Usauraya, Usaomba, Usaba, Usaita chapupu chokunyepa, Usara-

dzikidza, Remeredza baba ako namai ako. Wakati kwaari, Mudzidzisi, izvi zveshe ndakazvingwarira kubvira muudoko hwangu. Jesu echimuringira, wakamuda, akati kwaari, Chiro chimwe chinotamika kwouriri: enda, utengise kunyazwi zvinyini zvoudazvo, uhine varombo, newe unozoa nepfuma mudenga: uuye unditeere. Iye wakasururiswa ngezwi iro, akaenda echisvipa mwoyo: ngokuti waiya nepfuma zhinji.

—Marako 10:17-22

Iripo njira inooneka yakanaka kuno munhu, asi magumo ayo ari njira yokufa. —Mazwi Akangwara 16:25

Musachengedzerwa; Mwari aato-ngoitirwi jee: ngokuti nokunyati chinyini chaanokusha munhu, ndicho chaanozovhunazve.

—VaGaratia 6:7

Vana vadoko, musatendera munhu kuti amupaukise; iye unoita zvakarurama uri wakarurama kudai ndiye uri wakarurama. Iye unoita kushaisha uri waSatani; ngokuti Satani unondoshaisha kubvira pakutanga.

—1 Johani 3:7, 8a

Zve, amuzii here kuti vasikazi kururama avazogari nhaka youmambo hwaMwari? Musachengedzerwa, akuna vasvinuki, nokuti vanodira mie-dzaniso, nokuti vaombi, nokuti va-

noshaisha, nokuti vanoshanja neva-muna, nokuti mbavha, nokuti vae-muri, nokuti varadzi, nokuti vatuki, nokuti vakoshi, avatongozogarai nhaka youmambo hwaMwari.

—1 VaKorinte 6:9, 10

Asi itai vaiti vezwi, musiri vano-zwa kwegu, mwechidzechengedza.

—Jakobe 1:22

Ngokuti dai munhu echipinimidzi-ra kuti uri wakatikuti, apo asiri usina shwiro, iye unodzichengedza ngokwake.

—VaGaratia 6:3

Ngokuti vazhinji vanozouya ngezina rangu, vechiti, Inini ndiri Kristu, vanozorashikisa vazhinji.

—Mateu 24:5

Ndizvo kudai ngezvokwakapotera kushaisha munyika ngomunhu umwe; nokufazve kwakapotera ngokushaisha, ngokudaro kufa kwakagumira vanhu veshe, ngokuti veshe vakaisha. —VaRoma 5:12

Ndizvo apo kuemura kwadzama, kunobereka kushaisha, nokushaisha apo kwakura, kunobara rufu. —Jakobe 1:15

Ngokuti kuano mupinimidzo wezvenyama kuri kufa, asi kuano mupinimidzo wezvoMweya kuri kupona nokunyarara: Ngokuti mupinimidzo wezvenyama uri kuambana naMwari; ngokuti aupfairi kuzvironzo

zvaMwari, zve, ngegwinyiso aunga zvipfairi. —VaRoma 8:6, 7

Asi kwaisisa kuti tidakare nokudakadzwa: ngokuti uyu munun'una wako waiya akafa, naye unoponazve; waiya akarashika, nazvino watoneka. —Ruka 15:32

Mweya uwo unoshaisa, unozofa. Mukororo aazotwari kushaisha kwababa, zve, baba aazotwari kushaisha kwomukororo.... —Ezikieri 18:20

Kudai ngokururama kunounza kupona, ngokudaro iye unorumbirira kushata, unokurumbiriria metsa kufa. —Mazwi Akangwara 11:19

Ngokuti musharo wokushaisha uri kufa.... —VaRoma 6:23

Wakapangidzirwa ngokugwinyisi-
sa kuti uri Mukororo waMwari ku-
dai ngoMweya Wakachena, ngoku-
muka kwavakafa; eya, Jesu Kristu
Mambo wedu. —VaRoma 1:4

Naapo aereketa izvi wakadaidzira
ngezwi guru, Razaro, buda. Uwo
wainga akafa wakabuda, akasungwa
tsoka nenyara ngemachira okuikwa
nawo, nehope yake yakasungwa na-
yo ngejira doko. Jesu wakati kwa-
vari, Musunhurenji, mumurekere
aende. —Johani 11:43, 44

Ngeiyi ndaa Baba vanondizia, ngo-
kuti ndinoisira pashi kupona kwa-
ngu, kuti ndikutorezve. Apana mu-
nhu unokutora kubva kwendiri, asi

ndino kuisa pashi ngokwangu. Ndi-
ne simba rokukuisa pashi, ndine si-
mba rokukutorazve. Uyu mupango
ndakaupuwa ndiBaba angu.

—Johani 10:17, 18

Naye wakakwedzera, akagwama
changa: nevatwari vakaema. Waka-
ti, Jaha, ndinoti kwouri, Pirimuka.
Nouwo wainga afa, wakamuka aka-
gara, akatanga kuereketa....

—Ruka 7:14, 15

Ndiri aye unopona, inga ndafa,
penya, ndinopona mhera narini, ne-
ni ndine makiyi okufa neeHaidhesi.

—Chakapangidzirwa 1:18

Bandu rokugumisira rinozopara-
dzwa riri kufa. —1 VaKorinte 15:26

[Jehovha wakati,] Usazoane zvi-
mwari pamberi pangu.

Usazodziitira muedzaniso waka-
tsetswa, nokuti mutondzaniso nokuti
wechiri chiri padera, mudenga, no-
kuti chiri pashi munyika, nokuti chi-
ri mumvura, pashi penyika: Usazo-
dzikotamisa pashi kwezviri, nokuti
kuzvishandira....

Usazorerusa zina raJehovha Mwari
wako ngenjira isina shwiwo: ngo-
kuti Jehovha aazomuuti usina ndaa
uwo unorerusa zina rake ngenjira
isina shwiwo.

Ngwarira zuva reSabata kuriche-
nesa, kudai ngezvaakapanga Jeho-
vha Mwari wako. Mazuva matanha-

tu unozoshanda uite mishando yako
yeshe....

Remeredza baba ako namai ako,
kudai ngezvaakapanga Jehovha Mwari
wako....

Usazouraya.

Usazoomba.

Usazoba.

Zve, usazoita chapupu chokunye-
pa kunomuakirwana wako. Zve, usa-
zoemura mukadzi womuakirwana wa-
ko...nokuti chiro nokunyati nge-
chiri chomuakirwana wako.

—Dhutoronomi 5:7-12

...Kudai ndini ndakamuda ngoku-
daro imwimwiwo mudane.

—Johani 13:34

Ngokuti madziso ake anoringira padera penjira dzevanhu, naye unoonona kuhamba kwavo kweshe. Apana chidima nokuti bvute rokufa, apo pavangahwara vashandi vezvakashata.
—Jobe 34:21, 22

Uripo here ungangahwara mundau dzakafishika, kuti ndisamuona? Unoronza Jehovha. Andidzadzi denga nenyika here? Unoronza Jehovha.
—Jeremia 23:24

Ndinozoenda kuri kubva kumweya wako? Nokuti ndinozotizira kuri kubva mukuona kwako? Kudai ndechikwira mudenga, iwewe urimwo: Kudai ndechichinga mubedi wangu muShiori, ringira, iwewe urimwo.

Eya, nechidima achifishiri kubva kwouri, asi usiku hunojeka kudai ngemasikati: Chidima nokujeka ndizvimwezvo kwouri.

—Ndwiyo 139:7, 8, 12

Madziso aJehovha ari kundau dzeshe, echiringira zvakashata nezvakakanaka. —Mazwi Akangwara 15:3

Apana chisikwa chisiri pamhene mukuona kwake: asi zviro zveshe zviri pamhene nokubeurirwa kumadziso ake uwo wetinodaira kwaari.
—VaHebheru 4:13

Ngokuti akuna chiro chakafishika chisikazopangidzirwi, nechakaduhumirwa, chisikazoziikanwi, chisikazouyi mukujeka. —Ruka 8:17

22 KUORORWA KUSIKAPERI KWEVASIKATENDI MWARI

Mukororo womunhu unozotuma ngirosi dzake, nadzo dzinozounganidza kubva muumambo hwake zveshe zvinopumhunisa, naavo veshe vanoita zvinonyangadza; nadzo dzinozovakandira muchoto chomwoto: kunozoiteyo kuboopera nokukwetsana kwemazino.

—Mateu 13:41, 42

Asi madenga aapo zvino, nenyika, ngezwi rakatodzana zvakangwaririrwa muriro, zvechingwaririrwa kune zuva rokutonga nerokuurawa kwavanhu vasikadiri Mwari.

—2 Petro 3:7

Avo vanoזורorwa ngokutambudzika kusikaperi kunobva kuhope

yaMambo, nokubva kuutende hwe-simba rake. —2 VaTesoronika 1:9

Vakashata vanozohwirinzwa mu-Shiori, Namadzinza eshe anoriarwa Mwari.

—Ndwiyo 9:17

Kuti nyara yako, dangwani rutsoka rwako runokupumhunisa, ruteme, ururashe kubva kwouri: kuno-pinda kunaka kwouri kuti upotere mukurarama uri chirema, nokuti wechikumhina, kuno kuti unenyara mbiri dangwani tsoka mbiri ukandirwe mumuriro usikaperi.

—Mateu 18:8

Naava vano zoenda mukuororwa kusikaperi, asi vakarurama mukupona kusipaperi.

—Mateu 25:46

Kwechioneka kuti wakaemesa zuva raanzotonga ndiro nyika ngokururama ngouwo munhu waakagadzwa; uwo waakagwinyisa kuvanhu veshe ngokumumusa kwevakafa.

—Zvakaitwa 17:31

Mambo unozia njira yokununurira vanodira Mwari mukuedzwa, nokungwarira vasikazi kururama pashi pokuororwa metsa rigume zuva rokutongwa.

—2 Petro 2:9

Ngokuti isisu teshe tinozooneka pamberi pechigaro chokutonga chaKristu; kuti umwe ngaumwe aashire izvo zvaakaita mumuri, kudai ngezvaakaita, kunyazwi zvakanaka nokuti zvakashata.

—2 VaKorinte 5:10

Ngeichi rudo runoita rwakaperera kwetiri, kuti tiano kushinga ngezuva rokutongwa, ngokuti kudai ngezvaari izvo iye, nesu takadarowo munyika muno.

—1 Johani 4:17

Ngokuti kudai ngezvokwakaemeserwa kuvanhu kufa kamwe nesure kwakwo kutongwa.

—VaHebheru 9:27

Ndizvo isisu teshe tinozodzipingurira kuna Mwari.

—VaRoma 14:12

Ngokuti nguva yaguma yokuti kutongwa kutange kumhatso yaMwari: nokudai kwechitanga kwetiri, kunozoita kwakaitawani kugumisira kwevasikapurutani vhangeri raMwari?

—1 Petro 4:17

Asi chipuwo chenyasha achizi kuedzaniswa nokupauka. Ngokuti kudai vazhinji vakafa ngokupauka kwomunhu umwe, kakurutu nyasha yaMwari nechipuwo chenyasha chomunhu umwe, ndiJesu Kristu chakawanziswa kune vazhinji.

—VaRoma 5:15

Ndizvo akuri ndaapi youwo unodziemesera, nokuti youwo une chara, asi kuri kuna Mwari unoitira nyasha.

—VaRoma 9:16

...Ngokuti Mwari unorwisana nevanodzikudza, asi unohina nyasha kune vakapfaa.

—1 Petro 5:5

Ngokuti imwimwi munozia nyasha dzaMambo wedu Jesu Kristu,

kuti nokunyati iye waiya mupfumi, kani ngepamusoro penyū wakaita murombo, kuti imwimwi ngouro-mbo hwake muite vapfumi.

—2 VaKorinte 8:9

Ngaabongwe Mwari ngechipo chake chisikabviri kuronzwa.

—2 VaKorinte 9:15

Nangesimba guru vapostori vakaita chapupu chokumuka kwaMambo Jesu kwavakafa: nenyasha huru yaiya padera pavo veshe.

—Zvakaitwa 4:33

Kuti isisu techipembedzwa nenyasha dzake, tiite vanogara nhaka kudai ngegonda rokupona kusikape-ri.

—Titusi 3:7

Ndinomuronzera kuti, Haiwa: asi ngepabanzi pokuti mutenderuke imwi-mwi, munozoperawo mweshe ngokudaro.
—Ruka 13:3

Echiti, Tenderukai imwimwi, ngokuti umambo hwomudenga huri pedo.
—Mateu 3:2

NaPetro wakati kwavari, Tenderukai, umwe ngaumwe wenyu, muhabhatidzwe mweshe ngezina raJesu Kristu, ngendaa yokurekererwa kwezvishaishi zvenyu, nemwi munozoashira chipuwo choMweya Wakachena. Ndizvo tenderukai imwimwi mukunukuke kuti zvishaishi zvenyu zvitsukutidzwe kuti ngo-

kudaro kungauya nguva dzokumusi-rwa dzinobva pamberi paMambo.
—Zvakaitwa 2:38; 3:19

Rashai kubva kwomuri zveshe zvipauko zvenyu, zvemwakapauka ndizvo....
—Ezikeri 18:31

Iye unofisha zvishaishi zvake aazobudiriri: asi iye unozvitenda nokuzvisia unozoitirwa nyasha.
—Mazwi Akangwara 28:13

Ngokuti kusururika kunobva kuna Mwari kunounza kutenderuka kwokuponeswa, kuri kutenderuka kusina kusururika: asi kusururika kwomunyika kunopara kufa.
—2 VaKorinte 7:10

Asi kudai wakashata echizotenderuka kubva kune zvishaiishi zvake zveshe zvaakaita, nokungwarira zviemeso zvangu zveshe, nokuita izvo zvinotenderwa nezvakarurama, ngegwinyiso unozorarama aazofi akadi.
—Ezikieli 18:21

Wakashata ngaasie njira yake, nomunhu usikazi kururama mipinimido yake: ngaatenderukire kuna Jehovha, naye unozomutira nyasha, nokuna Mwari wedu, ngokuti unozomukungurira aemho. —Isaya 55:7

Ngokuti kudai imwimwi mwechirekerera vanhu zvipauka zvavo, Baba enyu ari mudenga vanozomurekererawo nemwi. —Mateu 6:14

...Kuti ndiye uyu kunoteketeswa kwomuri kurekererwa kwezvishaiishi: Iye Mwari wakamumirudza ngokumudyo kwake kuti aite Muzvare noMuponesi, kuti ahine kutenderuka kuvaIsiraeri, nokurekererwa zvishaiishi. —Zvakaitwa 13:38; 5:31

Penya, ndinoema paruvi nokukuhudza: kudai aripo munhu unorizwa izwi rangu nokubeura musiwu, ndinozopotera kwaari, ndidye naye, naye adye neni.
—Chakapangidzirwa 3:20

Nokutizve kutenderuka nokurekererwa kwokushaisha kuchumaerwe ngezina rake kune madzinza eshe, kutanga muJerusarema. —Ruka 24:47

Ngokuti nyasha dzaMwari dzakao-
neka, dzinounza ruponeso kuvanhu
veshe, dzechitidzidzisa kuti techi-
ramba zvakashata nokuemura zvo-
munyika tipone ngokungwara no-
mukururama nangokuteera Mwari
munyika muno. —Titusi 2:11, 12

Emesai mipinimidzo yenyu kune
izvo zviri padera, musikapinimidzi
ngeizvo zviri munyika.
—VaKorose 3:2

Musade nyika, nokuti zviro zviri
munyika. Kudai aripo anode nyika,
rudo rwaBaba amuna mukati mwa-
ke. Ngokuti zveshe zviri munyika,
kuemura kwenyama, nokuemura kwe-

madziso, nokudzikudza kwokupona,
azvisiri zvaBaba akadi, asi zviri
zvenyika. —1 Johani 2:15, 16

Musikaiyani nemishando yechidi-
ma isina michero, asi paugaro pei-
zvo kuti muikaraidze.
—VaEfesu 5:11

Imwimwi vaombi, amuzii here ku-
ti ukama hwomunyika huri uga na-
Mwari? Ndizvo nokunyati ndiani u-
noda kuita ukama nenyika, unodzii-
te bandu kuna Mwari. —Jakobe 4:4

Dzisukei, dzichenesei; rasha ku-
shata kwezviito zvenyu kubva pa-
mberi pemadziso angu; rekai kuita
zvakashata. —Isaya 1:16

Ndinozomupa mwoyo mutsva, ndinozoisa mweya mutsva mukati mwenyu: ndinozodusa mwoyo webuwe kubva munyama yenyu, ndimupe mwoyo wenyama. —Eziki 36:26

Kudai mwechizia kuti iye wakarama, munoziazve kuti veshe vanoita zvakarurama vakabarwa ndiye. Tinozia kuti munhu weshe wakabarwa ndiMwari aashaishi, ngokuti wakabarwa ndiMwari, unongwarirwa ndiye, nouwo wakashata aamugwami. —1 Johani 2:29; 5:18

Ndizvo kudai munhu ari kuna Kristu, uri chisikwa chitsva: zviro zvo kutanga zvapinda, penyai zvaitwa zvitsva. —2 VaKorinte 5:17

Jesu wakapingura, akati kwaari, Zvirokwazvo, zvirokwazvo, ndinoti kwouri, Kudai munhu asabarwa ngokwomudenga aangahuoni umambo hwaMwari. —Johani 3:3

... Asi mwakasukwa, nokucheneswa, nokupembedzwa, ngezina raMambo Jesu Kristu, nangoMweya waMwari wedu. —1 VaKorinte 6:11

Muri vakabarwazve, haiwa nge mbeu inoora, asi ngeisikaori, ngezwi raMwari, unopona aripo mhera narini. —1 Petro 1:23

Mbavha inouya kwegu kuba, nokukuraya, nokuparadza: inini ndakauya kuti vaone kurarama, vakuone kakurutu. —Johani 10:10

Imwimwizve apo mwaiya vakafa muzvipauka nomuzvishaishi, mwakamuswa ndiye. Iye wakatimusa pamwepo naye, akaita kuti tigare pamwepo naye mundau dzomudenga, kuna Kristu Jesu. –VaEfesu 2:1, 6

Uwo wakatwara zvishaishi zvedu emene mumuiri wake padera pomuti, kuti isisu, tanyafa mukushaisha, tipone mukururama; uwo ngemizvimbo yaakarohwa ndiyo mwakaponeswa. –1 Petro 2:24

Ndizvo kudai mwakamuswa pamwepo naKristu, tsvakai izvo zviripadera, apo pana Kristu akagara ngokumudyo kwaMwari. Emesai mipinimidzo yenyu kune izvo zviripade-

ra, musikapinimidzi ngeizvo zvirimunyika. Ngokuti imwimwi mwakafa, nokurarama kwenyu kwakafishwa pamwepo naKristu kuna Mwari. –VaKorose 3:1-3

Naavo vari vaKristu vakakohome-
ra nyama pamwepo nokudisisa nokuchiya kwayo. Kudai techipona ndiMweya, ngatihambezeve ndiMweya. –VaGaratia 5:24, 25

Chisazoitika kudaro. Isisu tiri vakafa kwokushaisha, tingachaita muponerenyi mukati mwakwo? Ndizvo ngokudaro mwechidzierenga nemwi kuti muri vakafa kwokushaisha, asi kuti muri vanopona kuna Mwari ye Jesu Kristu. –VaRoma 6:2, 11

Ngokuti uwo unodzikushira nyama yake, unozovhuna kunyama kuora; asi uwo unodzikushira Mweya, unozovhuna kuMweya kupona kusikaperi. —VaGaratia 6:8

Nokudai ndiMosi wakamirudza nyoka mushango, ngokudaro kunotamika kuti Mukororo womunhu amirudzwe: Kuti nokunyati ndiani unomutenda aone kupona kusikaperi. —Johani 3:14, 15

Iye unotenda Mukororo watoa nokupona kusikaperi; nouwo usikate ndi Mukororo, aazooni kupona, asi ushungu hwaMwari hunondogara padera pake. —Johani 3:36

Kudai ngezvewakamupa simba padera penyama yeshe, kwokuti veshe vowakamupa, iye avape kupona kusikaperi. Uku ndikwo kupona kusikaperi, kuti vakuzie iwewe Mwari wega wegwiniso, naJesu Kristu uwo wowakatuma. —Johani 17:2, 3

...Asi chipuwo chenyasha yaMwari chiri kupona kusikaperi ndiye Jesu Kristu mambo wedu. —VaRoma 6:23

...Kuti iye unozwa izwi rangu, atende uwo wakandituma, waanakwo kupona kusikaperi, aachazopi ndi mukutongwa, asi wadarika kubva mukufa, kupotera mukupona. —Johani 5:24

Ngokuti Mweya emene unoitira chapupu pamwepo nomweya wedu kuti isisu tiri vana vaMwari.

—VaRoma 8:16

Nouhwo ndihwo uchapupu, kuti Mwari wakahina kwetiri kupona kusikaperi, noukwo kupona kuri kuMukororo wake. Iye uno Mukororo uno kupona: nouwo usina Mukororo waMwari, aana kupona. Izvi zviro ndakazvinyorera kwomuri kuti muzie kuti munakwo kupona kusikaperi....

—1 Johani 5:11-13

Iye unemipango yangu, echiingwarira, iye ndiye unondida: nouwo unondida: unodiwa ndiBaba angu, neni ndinozomuda, ndidzisionise kwaari.

—Johani 14:21

Nomushando wokururama unozoa kunyarara; nemagumo okururama kuri kunyarara nokugonda mhera nari ni.

—Isaya 32:17

Ngokuti muri vakororo Mwari wakatumira Mweya woMukororo wake mukati mwemwoyo yedu, wechidaidzira kuti, Aba, Baba.

—VaGaratia 4:6

Ngeichi tinozia kuti tinogara mukati mwake, naye unogara mukati mwedu, ngokuti wakatipa Mweya wake.

—1 Johani 4:13

Ngeichi tinozia kuti tinomuzia, kudai techingwarira mipango yake.

—1 Johani 2:3

Nazvino ndinouya kwomuri, nei-zvi ndinoereketa munyika kuti kudakara kwangu kuzarisike mukati mwavo.
—Johani 17:13

...Asi ndinozomuonazve nemwoyo yenyu inozodakara, nokudakara kwenyu akuna munhu unokudusa kubva kwomuri.
—Johani 16:22

Ndakakohomerwa pamwepo naKristu; asi ndinopona; asi andinipi ndichapona, asi ndiKristu unopona mukati mwangu, nendaramo yendinopona zvino, ngokwomuri, ndinopona ngokugonda kuri kuno Mukororo waMwari, uwo wakandida, akadzihina ngepamusoro pangu.
—VaGaratia 2:20

Ngokuti umambo hwaMwari andihwopi hwokudya nokuti kumwa, asi huri hwokururama, nokunyarara, nokudakara muMweya Wakachena.
—VaRoma 14:17

Unozondionisa njira yokupona, Mukuapo kwako kwakazara ngokudakara. Mumuoko wako wokumudyo mumo kudakara kunoti mhera narini.
—Ndwiyo 16:11

Uwo womunoda musikazi kumuona, kwaari nokunyati zvino amumuoni, asi munomotenda, munodakara ngokudakara kusikabviri kuti kuereketwe kwakazara ngoutende.
—1 Petro 1:8

Asi kuti musikazopurutani izwi raJehovha, mwechimukira mipango yaJehovha, nyara yaJehovha inozomukira, kudai ngezveyakaita kumadzibaba enyu. —1 Samueri 12:15

Amuzii here, kuti kuno uwo womunodzikova kwaari kuita varanda kupurutana, muri varanda vake uwo womunopurutana; kunyazwi voku-shaisha kuita kufa, nokuti vukupurutana kuita kururama?

—VaRoma 6:16

Nokwomuri munotambudzika, zororai pamwepo nesu, mukupangidzi-
rwa kwaMambo wedu Jesu echibva mudenga pamwepo nengirosi dzake

dzine simba, mumuriro unobaka, echiunzidzira kwavari vasikamuzii Mwari, nokwavari vasikapurutani vhangeri raMambo wedu Jesu: Avo vanoזורorwa ngokutambudzika kusikaperi kunobva kuhope yaMambo, nokubva kuutende hwesimba rake.

—2 VaTesoronika 1:7-9

Ringirai ndaisa pamberi penyu ngeiri zuva chidakadziso nechituko. Chidakadziso chinzoza kwomuri kudai mwechipurutana mipango yaJehovha Mwari wenyu, yendinomupanga nyamashi. Nechituko chinzoza kwomuri kudai musikazopurutani mipango yaJehovha Mwari wenyu.

—Dhutoronomi 11:26-28a

34 UCHAPUPU NDIKRISTU UNOSISIRA KUITWA

Zve, kuti ndimi dzeshe dzitende kuti Jesu Krisu ndiye Mambo, kuita kukudzwa kuna Mwari Baba.

—VaFiripi 2:11

Ndizvo weshe uwo unozonditenda pamberi pevanhu, nayewo ndinozomutenda pamberi paBaba angu vari mudenga. Kunyazwi ndiani unozondiramba pamberi pevanhu, nayewo ndinozomuramba pamberi paBaba angu vari mudenga.

—Mateu 10:32, 33

Nokunyati ndiani unotenda kuti Jesu uri Mukororo waMwari, Mwari unogara mukati mwake, naye unogara mukati mwaMwari.

—1 Johani 4:15

Ngeichi munozia Mweya waMwari: mweya weshe unotenda kuti Jesu Kristu wakauya munyama ngowaMwari.

—1 Johani 4:2

Ngokuti kudai wechitenda Mambo Jesu ngomuromo wako, nokugonda mumwoyo mwako kuti Mwari wakamumusa kwevakafa, unozoponeswa. Ngokuti munhu unotenda ngomumwoyo kuano kururama; nango muromo unotenda kuano kuponeswa.

—VaRoma 10:9, 10

Ngokuti iye unozoita nyowa ndini, nangemazwi angu, Mukororo womunhu unozoita nyowa ndiye, apo ouya muutende hwake, nohwababa, nohwengirosi dzakachena. —Ruka 9:26

Svinurai, murinde: ngokuti bandu renyu Satani, rinohamba hamba kunonga mhondoro inorira, rechitsvaka avo veringadya: Murwe naye mwa-kagwinya mukutenda.

–1 Petro 5:8, 9a

Pakugumisira, itai vakagwinya kuna Mambo, nomukugwinya kwesimba rake. Pfekai nhumbi dzeshe dzokurwa ndizvo dzaMwari, kuti mukone kuema kurwa nemazano aSatani.

–VaEfesu 6:10, 11

Naapo Jesu wakakweyiwa ndi-Mweya kukwira kuenda kundau iri shango kuti aedzwe ndiSatani. Naapo Jesu wakati kwaari, Ibva Satani: ngokuti kwakanyorwa kuti Unozo-

dira Mambo Mwari wako, nokumushandira iye ega. Naapo Satani wakamusia, penya, ngirosi dzakauya kwaari, dzikamushandira.

–Mateu 4:1, 10, 11

Ngokuti zvokurwa ndizvo zvedu azviri zvenyama akadi, asi zvine simba pamberi paMwari rokuputsa ukona.

–2 VaKorinte 10:4

Uwo waiya muurayi kubvira pakutanga, naye aazi kuema mugwinyiso, ngokuti gwinyiso amuna mukati mwake, apo echiereketa manyepo, unodziereketera, ngokuti iye uri munyepi nababa emanyepo.

–Johani 8:44b

Ndizvo kwechioneka kuti vana vakakoanisirwa ngazi nenyama, iye emene ngokudaro wakakovana navo pane zvakadaro; kuti ngokufa ungamuita usina shwiro uwo waiya nesimba rokufa, kunoti Dhiabhoru.

—VaHebheru 2:14

Iye unoitika kushaisha uri waSatani; ngokuti Satani unondoshaisha kubvira pakutanga. Ngeiyi ndaa Mukororo waMwari wakapangidzirwa kuti aparadze mishando yaSatani.

—1 Johani 3:8

Kubeura madziso avo, nokuvate-nderudza kuti vabve muchidima, vapotere mukujeka, nokubva kusimba raSatani kuuya kuna Mwari, kuti

vaashire kurekererwa kwezvishaishi, kuti vagare nhaka mukati mweavo vakacheneswa, ngokugonda kwendi-ri.

—Zvakaitwa 26:18

Ndiani unozotiparadzanisa norudo rwaKristu? Kutambudzika here, nokuti kurwadziwa, nokuti kutambudzwa, nokuti nzara, nokuti kutama zvokupfeka, nokuti ngozi, nokuti shoti? Haiwa kuizvi zveshe tiri vanopinda vanyisi ndiye wakatida.

—VaRoma 8:35, 37

Ndizvo pfairai Mwari asi irwai naSatani, naye unozomutiza. Kwedzeraira kuna Mwari, naye unozokwedzera kwomuri.

—Jakobe 4:7, 8a

Nokunyati ndikanyaereketa nge-ndimi dzevanhu, nedze ngirosi, asi ndisina rudo, ndiri tusi rinoita bope, nokuti ngoma yesimbi inorira.

—1 VaKorinte 13:1

Asi michero yoMweya iri rudo, kudakara, kunyarara, kusengerera, nyasha, kunaka, kugondeka, kupfaa, kudzibata.... —VaGaratia 5:22, 23

Wakati kwaarizve ngokwechipiri, Simoni, mukororo waJoani, unorudo here kwendiri? Wakati kwaari, Eya, Mambo, unozia kuti ndinokuda, wakati kwaari, Usha makwai angu.

—Johani 21:16

Kudai mwechindida, munozongwarira mipango yangu. —Johani 14:15

Kudai aripo munhu unoti, Ndino-muda Mwari, naye echinyenya mukoma wake, uri munyepi: ngokuti uwo usina rudo kuno mukoma wake waanoona, aangaano rudo kuna Mwari waasikazi kumboona?

—1 Johani 4:20

Ngeichi veshe vanozozia kuti imwimwi muri vadzidzi vangu, kudai muno rudo umwe kwoumweni.

—Johani 13:35

Tinozia kuti takabva mukufa kunda mukupona, ngokuti tino rudo kuvakoma....

—1 Johani 3:14

Ngokuti urwu ndirwo rudo rwa-Mwari, kuti tingwarire mipango yake....

—1 Johani 5:3

Zvino apo amuka mangwanani maishi ngezuva rokutanga revhiki, wakaoneka kutanga kuna Maria Magadhareni.... —Marako 16:9

Ngesure kwemazuva maserezve, vadzidzi vaiya mukati, naTomasi waiya navo: Jesu wakauya, misiwo inga yakakonywa, wakaema pakati pavo, wakati, Kunyarara ngakua kwomuri. Ndizvo wakati kuna Tomasi, Tambanudza chinwe chako uone nyara dzangu, utambanudze nyara yako uipfeke parutii rwangu, usaita usikatendi, asi, unotenda. Tomasi wakapingura, akati kwaari, Mambo wangu, Mwari wangu.

—Johani 20:26-28

Nesu tiri zvapupu zveizvo zveshe zvaakaita kweshe munyika yevaJudha, nomuJerusarema; uwozve vakamuuraya, vechimuturika pamuti. Uyu Mwari wakamumusa ngezuva rechitatu, akamuhina kuti aoneke. Asi haiwa kuoneka ngevanhu veshe, asi kune zvapupu, izvo zvakatsanangurwa ngepamberi ndiMwari, nokwetiri isisu, takadya nokumwa naye ngesure kwokumuka kwake kwevakafa. —Zvakaitwa 10:39-41

Techizia kuti uwo wakamumusa Mambo Jesu, unozotimusawo pamwepo naJesu, naye unozotitinhidza pamwepo nemwi. —2 VaKorinte 4:14

Musashama ngeichi, ngokuti nguva inozouya apo veshe vari mumai-ba vanozorizwa izwi rake; navo vanozobudomwo, avo vakaita zvakanaka mukumuka kwokupona, naavo vakarovedzera kuita zvakashata mukumuka kwokutongwa.

—Johani 5:28, 29

Nokuti amuzii here kuti isisu tiri vakabhabhatidzwa kuna Kristu Jesu, takabhabhatidzwa mukufa kwake? Ndizvo takaikwa pamwepo naye ngokubhabhatidzwa mukufa: kuti kudai ndiKristu wakamuswa kwevakafa ngoutende hwaBaba, ngokudaro isisuwo tihambe mukupona kutsva. Ngokuti kudai takasimwa pa-

mwepo naye mumuedzaniso wokufa kwake, zve, tinozoedzana naye mukumuka kwake. —VaRoma 6:3-5

Asi kudai Mweya wouwo wakamusa Jesu kwevakafa wechigara mukati mwenyu, iye wakamusa Kristu Jesu kwevakafa, unozoraramisazve miiri yenyu inofa ngoMweya wake unogara mukati mwenyu.

—VaRoma 8:11

Asi ngepamusoro peisisuwo, kwetiri kunoerengerwa kudaro, isisu tinotenda kuno uwo wakamusa Jesu Mambo wedu kune vakafa, uwo wakahinwa ngendaa yezvishaiishi zvedu, echimuswazve kuita kupembedzwa kwedu. —VaRoma 4:24, 25

Ndizvo vanodikanwa, kudai ngezvetiine izvi zvigondiso, ngatidzi-chenese kubva kwezvinosvipisa zveshe zvenyama nezvomweya, techiperera mukucheneswa mukutya Mwari.
-2 VaKorinte 7:1

Ndizvo pakugumisira, vakoma, tinomukumbira nokumupota ndiye Mambo Jesu kuti kudai ngezvemwakaashira kwetiri njira inosisira yokuhamba ndiyo nokumudakadza Mwari, kudai ngezvomunohamba, kuti muwanzise kudaro. Ngokuti munozia kupanga kwetakamupanga ndiye Mambo Jesu. Ngokuti uku kuri kuda kwaMwari, kucheneswa kwenyu, kuti murekere kuomba; kuti munhu

weshe kwomuri azie kudzibatira ndiro yake mukucheneswa nomukuremeredzeka. Ngokuti Mwari aazi kutidaidzira kune zvisikazi kusukika, asi kune zvakacheneswa.

-1 VaTesoronika 4:1-4, 7

Asi kudai ngouwo wakamudaidza uri wakachena, ngokudaro imwi-mwiwo itai vakacheneswa mukupona kwenyu kweshe; ngokuti kwakanyorwa, Munozoita vakacheneswa; ngokuti inini ndiri wakachena.

-1 Petro 1:15, 16

Gwinya kudzihina uri unotendeka kuna Mwari, mushandi usikatami kutseruka, unoruramisa kubata izwi regwinyiso.
-2 Timoti 2:15

Ngokudaro Jesu naye, kuti achenese vanhu ngengazi yake, wakatambudzika kubanzi kwechimana.

—VaHebheru 13:12

Kudai ngezvaakatitsanangura kwari nyika isati yaemeswa, kuti tiite vakacheneswa, tisina ndemo pamburi pake murudo. Nokupfeka munhu mutsva, uwo wakasikwa akadai ndi-Mwari mukunaka nomukucheneswa kwegwinyiso. —VaEfesu 1:4; 4:24

Negondo guru rinozoapo, njira yakafara, nayo inozodaidzwa kuti, Njira yakachena; vakashata avazohambi ndiyo; asi inozoa yevahambi, nokunyati mapenzi, avazorashikiswi ndiyo.

—Isaya 35:8

Kudai techitenda zvishaishi zvedu iye unogondeka nokururama kutirekerera zvishaishi zvedu, nokutisuka kusikarurami kweshe. —1 Johani 1:9

Kwechioneka kuti izvi zveshe zvinozonyunguruka kudaro, kunodikana kuti multe vanhu vakaitawani mukupona kweshe kwakachena nomukudira Mwari. —2 Petro 3:11

Edzai kugarisana ngokunyarara nevvanhu veshe, nokuita vakacheneswa, ngokubanzi kwakwo apana munhu ungazomuona Mambo.

—VaHebheru 12:14

Hinai kuna Jehovha utende hunosira zina rake; dirai Jehovha muunaku hwokucheneswa. —Ndwiyo 29:2

Ndizvo kudai imwimwi mutori vakashata mwechizia kuhina vana venyu zvipo zvakanaka, Baba enyu ari mudenga unozopinda kwakaitawani kuhina Mweya Wakachena kwaavo vanokumbira kwaari?

—Ruka 11:13

Naapo vainga vakumbira, ndau yakazungunyiswa apo pevainga vakaungana; navo veshe vakazariswa ndiMweya Wakachena, vakaereketa izwi raMwari ngokushinga.

—Zvakaitwa 4:31

Ndinozoisa mweya wangu mukati mwenyu, ndinozoita kuti muhambe muzviemeso zvangu, nemwi muno-

zongwarira zvitongero zvangu, nokuzviita.

—Ezikeri 36:27

Asi imwimwi amuchiri venyama-pi, asi mwaa voMweya, kudai Mweya waMwari wechigara mukati mwenyu. Asi kudai munhu nokunyati ngouri asina Mweya waKristu, aasiriye wake akadi.

—VaRoma 8:9

Asi monozoashira simba apo Mweya Wakachena aguma padera penyu.

—Zvakaitwa 1:8a

Nevadzidzi vakazara ngokudakara, nangoMweya Wakachena.

—Zvakaitwa 13:52

Musaradza ngevhini, iro rinopara kusikadzibata, asi mwechizariswa ndiMweya.

—VaEfesu 5:18

Jehovha uri pasinde paavo vano kusvipa mwoyo, unoponesa avo vano mwoyo wakapfaa.

—Ndwiyo 34:18

Ngokuti nyara yangu yakasika izvi zveshe, neizvo zveshe zvindoripo, unoronza Jehovha: asi ndinozoringira uyu munhu, uwo uri murombo, unomweya wakapfaa, unohuta ngezwi rangu.

—Isaya 66:2

Jesu wakati kwaari, Kudai wechitenda, zveshe zviro zvingaitwa kwaari unotenda.

—Marako 9:23

Vanodikana, musapinimidza kuti kunoshamisa kuedzwa kwakakura kuri pakati penyu, kunonga kuri

chiro chinoshamisa chakaitika kwomuri: Asi dakarai, kudai ngezvomunoashira kutambudzwa kwaKristu pamwepo naye; kuti utende hwake hwopangidzirwa, imwimwiwo mungazodakara ngokudakara kukurutu.

—1 Petro 4:12, 13

Naye unozopukuta masodzi eshe kumadziso avo, nokufa akuchazopo, nokuti chiriro, nokuti kuchema, zve, akuchazopo kurwadziwa, ngokuti zviro zvokutanga zvapinda.

—Chakapangidzirwa 21:4

Asi tsvakai kutanga umambo hwa-ke nokururam kwake, neizvizvi zveshe zvinozotutsirwa kwomuri.

—Mateu 6:33

Ngokuti iye emene wakatambudzika echiedzwa, une simba rokudetsera avo vanoedzwa.

—VaHebheru 2:18

Apo unoambuka mumvura, ndinozoa newe, naapo unopinda mundwizi adzizokunzvaidzi, apo unopotya mumuriro, auzopishwi

—Isaya 43:2

Madambudziko owakarurama ari mazhinji; asi Jehovha unomununurira kwaari eshe. —Ndwiyo 34:19

Akuna kuedzwa kwakamugumira, kwegu ukwo kwakagumira vanhu vamweni: asi Mwari unogondeka, uwo usikatendi kuti muedzwe kupi-

nda simba romunaro; asi unozonasi-rirazve pamwepo nokuedzwa njira yokupokonyoka ndiyo, kuti mungaa nesimba rokukutwara.

—1 VaKorinte 10:13

Nesu tinozia kuti zveshe zvinoshanda pamwepo kuita zvakanaka kwavari vanomuda Mwari, kwavari vakaidzwa kudai ngokuemesa kwake.

—VaRoma 8:28

Ngokuti atina mupristi mukuru akadi usikakoni kutizwira urombo pakurembaremba kwedu; asi tino uwo wakaedzwa ngenjira dzeshe kudai tisu, asina zvishaishi.

—VaHebheru 4:15

Iye unonyisa unozogara nhaka ye-zviro zveshe, ndinozoita Mwari kwaa-ri, naye unozoita mukororo kwendi-ri.
—Chakapangidzirwa 21:7

Uwo unonyisa ndinozomuita sika mutemperi raMwari wangu, naye aachazobudimwo: neni ndinozonyo-
ra padera pake zina raMwari wa-
ngu, nezina redhoropa raMwari wa-
ngu, riri Jerusarema idzva, rinodza-
ka kubva mudenga, kubva kuna
Mwari wangu, nezina rangu idzva.
—Chakapangidzirwa 3:12

Iye unonyisa unozopfekeswa ku-
daro ngezvokufuka zvakachena, ne-
ni andizodzimi zina rake mutsamba
yokupona, ndinozotenda zina rake

pamberi pa Baba angu, nepamberi
pengirosi dzake.

—Chakapangidzirwa 3:5

Iye unonyisa ndinozomuita kuti
agare neni padendemaro rangu, ku-
dai ndini ndakanyisawo, ndatogara
naBaba angu padendemaro ravo.

—Chakapangidzirwa 3:21

Iye une nzee ngaazwe chinoereke-
twa ndiMweya kuzviara. Kwaari u-
nonyisa ndinozmutendera kuti adye
kumuti wokupona uri muParadhesi
raMwari. —Chakapangidzirwa 2:7

Nouwo unonyisa, nounongwarira
mishando yangu pakugumisira, kwaa-
ri ndinozohina simba padera pema-
dzinza. —Chakapangidzirwa 2:26

Asi kwavari vakaroorwa, ndinova-panga, asi andinipi, asi ndiMambo, kuti, Mukadzi asaparadzana nomwamuna wake. (Asi kudai iye echi-paradzana naye, ngaagare asikazi kuchadha, nokuti ngaaiyaniswe nomwamuna wake;) zve, kuti mwamuna asazorasha mukadzi wake. Mukadzi unosungwa ngechironzo nguva yeshe yaanopona mwamuna wake, asi kuti afa, wasunhurika kuti aroorwe ngowaanoda; kwegwa ngenjira yaMambo.

—1 VaKorinte 7:10, 11, 39

Ngokuti mukadzi unomwamuna unosungwa ngechironzo kuno mwa-

muna wake achararama; asi kuti mwamuna wake afa, anosunhurwa kubva kuchironzo chemwamuna wake. Ndizvo kudai apo mwamuna wake achararama, echinamatira kuna umweni, unozozwi uri muombi; asi kudai mwamuna wake afa, iye unosunhurwa kubva kwechironzo, ndizvo aaiti muombi nokunyati amatira kuno mwamuna umweni.

—VaRoma 7:2, 3

Asi inini ndinoti kwomuri, kuti iye unorasha mukadzi wake asina ndaa yokuomba, unomuitisa hure, nouwo unomuroora uwo wakarashwa unoomba.

—Mateu 5:32

Kudai ndechienda kwoomunasirira ugaro, ndinozouyazve, nokumuashira ndemene, kuti pendiri, nemwi mungazoapowo. —Johani 14:3

Naapo kunozooneka chioniso cho-Mukororo womunhu mudenga, nemadzinza eshe enyika anozobonda, nao anozomuona Mukororo womunhu echiuya padera pemakore omudenga, anesimba noutende hukuru. —Mateu 24:30

Ngokuti kunyazi ndiani unozoa nezvidzu ndini nangemazwi angu kuno uyu mubarirwana unoomba nounoshaisha, Mukororo womunhu unozoitawo zvidzu ndiye apo ozvo-

uya muumambo hwaBaba ake.

—Marako 8:38a

Vanodikanwa, zvino tiri vana va-Mwari, akusati kwaoniswa kuti tinozoya vakadini. Asi tinozia kuti apo iye opangidzirwa tinozodai ndiye, ngokuti tinozomuona kudai ngezvaari azvo. —1 Johani 3:2

Ndizvo imwimwi itai vakanasirirwa: ngokuti Mukororo womunhu unouya ngeawa romusikapinimidzi. —Ruka 12:40

Ngokuti Mukororo womunhu unozouya muutende hwaBaba ake pamwepo nengirosi dzake; naapo unozohina munhu weshe kudai ngemishando yake. —Mateu 16:27

48 IZWI RAMWARI

Denga nenyika zvinozopinda, asi mazwi angu aatongozopindi akadi.

—Ruka 21:33

Ngokuti akuna kuprofeta kwakamboapo ngokuda kwomunhu; asi vanhu vakaereketa zvinobva kuna Mwari, vechindosundwa ndiMweya Wakachena.

—2 Petro 1:21

Zvinyoro zveshe zvakafemerwa ndiMwari, zvinodetserazve kudzidzisa, kurambidza, nokutova, nokupangidzira kuri mukururama.

—2 Timoti 3:16

Izwi rako riri rumvenu rwetsoka dzangu....

—Ndwiyo 119:105

KUKUMBIRA — NEKUREKERERA

Ndizvo kumbirai ngeiyi njira: Baba edu ari mudenga, ngariremerezwe zina renyu. UMambo hwenyu ngahuuye. Kudaka kwenyu ngakuitwa munyika kudai ngomudenga. Tipei ngeiri zuva kudya kwedu kuno tamika nyamashi. Tirekererei ndaa dzedu kudai tisu takarekerera avo vane ndaa kwetiri. Usatipinza mukuedzwa, asi tinunure kuno uwo wakashata: Ngokuti kudai imwimwi mwechirekerera vanhu zvipauka zvavo, Baba enyu ari mudenga vanozomurekererawo nemwi.

—Mateu 6:9-14

NJIRA YAMWARI YORUPONESO

Ndinoda Muponesi.

Ngokuti veshe vakashaisha, avazi kuanira kuutende hwaMwari.

—VaRoma 3:23

Mambo Jesu Wakandifira.

Ngokuti Kristuzve wakatambudzi-ka kamwe ngepamusoro pezvishai-shi, ari wakarurama ngepamusoro pevasikazi kururama kuti atiunze kuna Mwari. —1 Petro 3:18a

Ndinoda Kutenda Zvishaishi Zvangu.

Ndizvo tenderukai imwimwi mukunukuke kuti zvishaishi zvenyu zvitsukutidzwe. —Zvakaitwa 3:19

Ndinosisa Kuashira Jesu Ngokugonda.

Asi kwavari veshe vakamuashira, wakavapa simba rokuti vaite vana vaMwari, kwavari avo vanotenda zina rake. —Johani 1:12

Ndingakona Kuva Negwinyiso Reruponeso Rwangu.

Iye uno Mukororo uno kupona. —1 Johani 5:12a

Zvirokwazvo, zvirokwazvo, ndino-ti kwomuri, kuti iye unozwa izwi ran-gu, atende uwo wakandituma, wa-anakwo kupona kusikaperi, aacha-zopindi mukutongwa, asi wadarika kubva mukufa, kupotera mukupona. —Johani 5:24

Published in numerous languages by World Missionary Press, Inc., as God supplies funds in answer to prayer. **For questions or more information by country, visit: www.wmp-contacts.org**

World Missionary Press
PO Box 120
New Paris, IN 46553-0120 USA
www.wmpress.org

12-25



Read booklets online or by App
www.wmp-readonline.org
288 Ndaou HFA